

人物志

列女

貞女

丘沈妻貞女吳氏

南城人未婚守節勅建坊在二十三都舊志

李貞女銀瑛止瑛

南城人事父湮縣令范洪表而坊之

嘉靖辛酉避寇巖中望兒前巖婦被擄並赴塘死

萬曆舊志

益宣王第七女

勅建坊郡城南

益將軍朱存源女

勅建坊郡城察院前

李貞女貴姑

南豐人

幼讀孝經小學能通大義為賊所逼奮罵不從遂磔殺

建昌府志

卷之二十二

列女

一

之時年十九

吳貞女友弟

南豐人

吳姓避寇守荷石砦寇攻急女年十五曰吾處女不當

見賊伯叔慰以金贖或可免女曰擄而復贖雖生何為

與兄嫂傅氏同奮身投厓而死

南豐縣志○傳氏見烈婦紀

樂氏二女

南豐人

父以鬻采為業紹定初廖寇入境父買舟將趨建昌及

行而寇至掠其舟有二女在寇悅而逼之俱不從曰寧

死不受污辱其一赴水其一見殺

一統志

樂家二女芝蘭

秀愁眉側足林泉逃凶渠得之時欲亂瞑目大罵且悲
號水姿誓不染污穢白骨耳自埋蓬蒿

河東
園詩

粉娘 南豐人

曾塔卿女年十八值元季紅巾賊亂賊掠去追至吳家

坊橋粉娘竟不過賊挾之上馬卽仆地大罵曰我良家

子豈汝從賊怒殛死之 南豐志

揭貞女 廣昌人

幼失怙恃鞠於兄嫂未笄值元季亂同兄嫂避兵相失

姑獨抱兄子竄身荆棘兒啼爲邏卒執悅其貌誘之不

建昌府志

卷之二十二

列女

二

從復挺刃劫之奮罵遇害寇退嫂得其屍色如生猶抱

兄子不置旣長讀書好義語及姑輒涕泣君子哀焉

兒莫啼官軍知嫂也避軍而棄之小姑抱兒泣路岐官

軍曳之誓不隨快劍雪落腥風吹嫂來抱兒去姑橫草

問屍兒今老大不勝悲滴血自書墳上碑安得載姑名

青史有光輝君不見元兵南下日抱溺趙家兒 南城黃叔美詩

生員毛詩女 名配英
廣昌人

議配何中德未于歸而德故女日盟而背之俗女子耳

我豈恐未亡身而靦顏對人耶遂歸何坐卧一室行不

踰閩衣縞茹素苦節自甘事嫡庶姑無間言庶姑病湯藥親嘗旦夕籲天願以身代旣卒會嫡姑病女事嫡姑如事親姑及病亟慨然曰吾疆生二十年餘爲一綫未續一姑在堂耳叔氏竝舉二兒是天有意吾大也吾撫之十齡庶幾彊自立二姑歿吾何以生爲哉遂絕粒不食殉姑而亡聞者莫不哀嘆御史趙耀請于朝旌其節御史趙士登請于朝旌其孝

吁嗟乎毛貞女稜稜氣節橫秋宇少小潏閨不見人靈臺光徹天無雲手持一卷列女傳首尾把玩失昏旦父

建昌府志

卷之二十二

列女

三

毋擇婚得名家禔身素潔羞春花西風一直損連理願將薄命從今止萬論千防及一年誓必哭奠夫君前撫木大慟幾屢絕酬酒盟心存心血夫君不幸未委禽妾身聞命先委心此身若在天地間此心不動安如山百歲光陰一瞬息他日地下相從覆白壁四方觀者聞其辭莫不涕泣而歎歎皆云節婦至難得未婚守節尤奇特只爲心中不負初女流烈烈稱丈夫君不見吳季子徐君觀劍會心許上國歸來過其墓脫所佩劍懸千樹

傳論徐君知不知我知我心溪忍道劍光在樹星斗寒

延陵心事今猶傳乾坤萬古心不死成男成女皆如此

假令盡是貞女心世上紛紛好男子何源詩

強生成何事姑亡婦亦亡名同蘭不滅志以日為霜載

筆光彤史瞻墳似首陽但觀貞女傳黃豈言詩 酒未嘗嘗

烈婦

李華妻胡氏南城人

率商于外姑易氏好淫胡謹避別室姑惡笞之逼嫁胡

慟哭不行直投井隣婦援之易愈怒絕其食直用沙壓

殺之邑長曹公達上其事賜謚哀烈廟祀員外李喬志

建昌府志

卷之二十二

列女

四

文欽二妻羅氏南城人

欽二病篤家貧無子遺囑改適聞命慟哭誓以死殉水

漿不入口撫柩而卧枯槁無人色逾九日而卒正德郡志

劉淳妻周氏南城人

歸淳二載夫喪自誓守節越三歲母私聘于南豐譚姓

者氏聞沐浴更衣直自縊正德郡志

黎濬妻胡氏南城人

慟夫客死不食者七日自是絕脂膩卻麗飾不輕出廳

堂不與喜燕不與僮僕之冠者言苦守六十年八十五

卒 南城縣志

生員熊吉妻王氏 南城人

吉疾困顧謂王曰爾少且無子盍早為計婦誓曰即死不恐離也翁姑之養有伯可寄吾可無生遂自縊先是獻吉疾劇婦命作大棺人莫喻其意至是果如所言奉

旨建坊 南城縣志

生員劉三善妻胡氏 南城人

少有慧質通古人懿行三善患痢疾臭穢不可近胡竭力事之既卒蔬素誦佛晨昏就靈几燃香將善遺一禍

建昌府志

卷之二十二

列女

五

衣膿血漬污改以自服期於服闋方死服未半舅姑苦欲改適之早起誦佛經叩首數四沐浴更衣遍縫衣履

自縊而死奉旨建坊 南城縣志

李樂妻胡曾氏 南豐人

年二十三賊至與樂扶父母携子女奔五都舖嶺山賊勢逼曾語樂曰力疲矣君先扶舅姑行吾携子隨後俄而賊至執之以行曾罵弗從賊怒殺所襁褓子劫之曾遂挺身躍投崖中猶罵不絕賊以鈎輓之砍其頸雙目爛爛不瞑移時賊去樂撫而哭曰若得死所矣目遂瞑

群御傳
正德郡志

胡 泰妻趙氏胡 綦妻符氏 南豐人

二氏同侍其姑陳庶姑齊避賊于鷄公坪陳老而體重難前二婦及庶持植不恐去遂遇賊驅之上道趙與符奮罵趙聲尤厲賊怒先殺之時符一子在傍乃携兒植姑再行三里許至管家橋上流見水深洄給賊曰渴甚欲飲水遂棄子赴水齊亦相繼而溺賊怒中數鎗而死

正德

郡志

吳 詠妻胡氏 南豐人

建昌府志 卷之二十一 列女 六

生有女德賊至與姑同匿山林其子請移姑別所巢不逮胡從之既而嘆曰婦事姑當不遺左右幸子詣姑所未幾賊至胡佯若許從賊者賊遂引去姑因得全胡復給賊曰吾隨汝去請釋吾子令取金以贖賊信而遣之度其子去遠遂投赴絕澗賊引鎗連刺之死 正德郡志

馮紹綱妻盧氏 南豐人

年十九歸綱一載而卒富民劉姓者賄其舅姑欲娶之姑諷之盧佯許可經詣夫墳所縊死連桑樹下 縣令楊參禮葬

于廣修正德郡志

鄒宣讓妻張氏 南豐人

年十九歸鄒三載夫卒盡以所藏服飾為殮是在紉不
哭不輟家人莫測即於房梁縊死次日棺與夫喪並舉

正德郡志

胡進妻丘氏 南豐人

流賊破縣丘被擄于天心堂號聲震天賊擊以刃卸衣
延頸略無畏態連揮二刃而死 正德郡志

江秉德妻黃氏 南豐人

年二十孀居辛勤紡績被執于賊刃加其頸大罵不絕

建昌府志 卷之二十二 列女 七

賊置刃且誘且勸黃便奪而反刺之傷其肩賊大怒去

解之 正德郡志

吳麟瑞妻李氏 南豐人

男絲被賊擄李乃佯命絲取金為贖賊釋之行至坑口
湖遂投下賊奮力刺之而死吳望妻鍾氏亦同遇賊鍾

堅坐不起賊恐之以刃鍾慨然求死亦殺之 正德郡志

謝尙顯妻李氏 南豐人

年十八與姑陳氏同避山中賊搜獲之驅歸前李時
一子在抱至亂石嶺遇倭人盛鸞者遂以子翁之行里

經一石池婦姑相携而下賊各刺數鎗而死

嘉靖郡志

曾 閩妻李氏 南豐人

夫死守義治家勤儉養八十翁無遺禮至元壬午葫蘆

峒寇千餘猝至里婦多被掠翁遇害李大罵不從以手

束髮受刃而死 正德郡志

吳宗澄妻傅氏 南豐人

流賊攻荷石岩急傅氏拜告于夫曰汝善事姑毋我為

慮節孝固難兩全言畢同澄妹友弟投厓死縣表之曰

一門雙烈 南豐縣志

建昌府志 卷之二十二 列女

魏 寵妻何氏 廣昌人

寵死婦年二十五志不改適流賊入縣家眾各奔何携

其子走依母氏遇賊執之慟哭不從投壩下而死 正德郡志

劉 祥妻黃氏 廣昌人

家貧甚紡績以資姑養祥卒橫民聶姓聞其貌賄其父

母舅姑欲娶之遂赴水死 正德郡志

生員李邦植妻幸氏 廣昌人

植疾劇與兄樞曰婦少無子何依幸泣自縊家眾救之

得不死植卒水漿不入口數日侍婢出就外事遂縊死

為請建度地營塚偕葬于東洲外之營官亭巡按御

史唐公龍祭文畧曰藥毒可糜其柔腸不足以鑠其剛

義短纒寧甘乎自經人只豈量乎母氏一死不渝三綱

由繫波孱婦狂夫偶同蚊蚋而生亦隨甕盎而斃惟爾

烈婦之貞寵承風紀之責江西通志 嘉靖郡志

高宏妻揭氏廣昌人

宏以較藝卒建昌聞訃遂逆于邑之東門外哭畢遂自

肩輿觀若男子素歷者既殯朝夕哀哭屢絕而甦越月

餘自縊時年二十八邑令袁仕鳳奏旌表復其家正德 郡志

建昌府志 卷之二十二 列女

生員姜妥妻賴氏御史賴瑛女 廣昌人

年十歸妥越二年妥病度不起顧謂賴曰汝年少善事

人賴泣曰君若不起即相從于地下妥卒七日賴梳洗

具衣服自縊死正德 郡志

何永字妻李氏廣昌人

年十四嬪尚書何喬新子永字越二年夫李極前兀坐

而哭甕為之刺姑病朝夕祝告請以身代姑疾弗與李

哭曰吾所不亟死者為姑也姑既逝吾何生焉哀慟嘔

王德

生員黃鵬妻李氏

廣昌人

正德辛未流賊破縣李出亡於牛鼻嘴賊執欲污之罵曰我儒家婦不幸被汝執欲殺即殺豈汝從耶賊復持其子劫之李亦不顧仆地求死賊挾之上馬罵愈厲遂刃之邑令梁榮作詞哀之遣禮祭其墓令黃德純福貞

節于門

正德郡志

吳瑀妻黃氏

廣昌人

年十七嬪瑀越二年瑀卒刺血寫書焚柩前奠相從地下飲毒自縊兩為家人解之自是不出閩不就榻非祭

建昌府志

卷之二十二

列女

十

餘不食哀毀骨立至絕時猶不忍易表衣連呼夫者三

正德郡志

黃佐妻李氏

廣昌人

一佐卒哀毀骨立如妯意其必死每相防守越半月李乘

間自縊于寢室

嘉靖郡志

賴公繚妻黃氏

廣昌人

年二十歸公繚二月公繚疾將不起顧黃而泣遂許以死及沒黃入密室自縊以殉邑人能文者感賦詩以哀

嘉靖

唐氏 廣昌人

名丹桂喜讀烈女傳栢舟諸什十七歸徐徐讀書得齋
疾崇禎甲申死死時執婦子吾累子子宜別終所天唐
曰毋憂君前數武耳踊號失聲殮訖執紼赴窀穸屬瑩
者虛穴以待歸慰徐父母潛沐浴理櫛內更新衣外服
纒絰出拜靈牀入自經于梁後于衣帶中得刺血遺母
數字曰婦道已盡無忝所生○收拾香奩翡翠鈿北邙
雙塚草芊芊為慚前路無忠鬼獨抱貞心到九淵○薰
質魯將錦字裁只疑柳絮謝家才誰知衣帶留遺字不

建昌府志

卷之二十一

列女

十一

讓文山土一坏 揭恂詩

饒于鼎妻李氏 廣昌人 國朝旌表建坊

十六歸饒止生一女夫歿之日親治喪具囑工虛穴以
待姑竟之曰吾年髦女又穉若死吾死女亦死是三死
矣爾夫九原實亦傷心乃強理家事躬績養姑姑女相
依為命者六年姑疾歿哀毀骨立越歲餘女復天李持
刀曰夫死吾當死姑死吾當死女又死吾何生哉遂入

室自刎事聞特疏○題 奏奉

節婦

艾璋妻吳氏

南城人

吳氏女艾家婦哭其夫裂其墓昔有祀梁妻哭倒長城

土吳太守歌與其生而媿孰若死而安生順死安節婦以之

吾推其志神明可通金石可貫直足以挽頽風而激薄

俗非細故也今有至墓者見悲風四起寒木陰森凜然

猶有生氣是節婦雖死而不死也

謝太守節婦記俱○正德郡志

甯顏孫妻危氏

南城人

稟性貞潔既笄歸顏孫未幾顏孫卒時年二十七翁姑

建昌府志

卷之二十二

列女

十二

老而子幼誓不二夫勤紡績以資養姑歿營葬盡禮守

節四十四年而卒洪武二十四年旌表

景泰正德郡志

易泰妻程氏

南城人

自幼德聞宗族父母擇歸于泰克執婦道未幾泰疾亟

乃晨昏顙天求以身代既歿欲殉親族以子幼勸止之

去華飾事織紝以給衣食故易之家得以不墜洪武二

十五年旌表

景泰正德志

張孺文妻劉氏

南城人

孺文早逝時年二十六嫺戚憐其子幼家貧成勸改適

劉氏以不淫為誓朝夕悲號遂喪明守節三十餘年正

統三年旌表景泰郡志孝道毋儀上下交盡舅姑以天年終

喪葬如禮楊文定公集海水陰風日枯桑歲晚詩四序有推

遷寸心無改移何東園先生集○俱正德郡志

江仕崇妻李氏南城人

仕崇卒李氏時年二十五誓不再適孝養翁姑舉動無

違禮守節四十四年成化元年有司其實以聞節婦記○
正德郡志

嵇顯妻周氏南城人

既笄歸顯顯卒時氏年二十八子備弱甚或勸其他適

建昌府志 卷之二十二

列女

十三

者即泫然曰苟如是未亡人何以見夫君於地下守節

五十二年為子娶黃智之女生孫男福祖再齡而偉死

黃氏如其姑以志自厲凡二十六年人稱雙節焉節婦碑○

正德郡志

甯復興妻吳氏南城人

天姿柔順善於女工父母擇壻得復興焉復興逝于本

尚在襁褓吳氏時年二十一孝養翁姑得其驩心撫教

遺孤底于成立守節二十一年節婦碑○
正德郡志

連忠信妻劉氏南城人劉仕和女

年十八納忠信爲壻生子名恭方一歲忠信卒仕和諭
之曰吾以汝爲嗣汝夫不祿孤弱未必成人爾圖之劉
應之曰天將福吾父耶未亡人之孤足以承祀也矢志
不奪後允恭之姓日蕃而劉以七十七歲而終

連仲緝撰傳○

正德

鄉志

何有隣妻符氏

南城人

居家未嘗輕踰戶閤頗讀曹大家女戒等書父尚全擇
壻無可意者已而適有隣未二暮而有鄰卽世逾數月
始生男清符氏時年一十九勤儉克苦孝養舅姑訓飭

建昌府志

卷之二十二

列女

十四

其子凜然無霽容守三十四年

節婦記○正德郡志

寧善生妻鄧氏

南城人

自幼貞淑旣笄父遴選得善生善生卒鄧氏年二十五
男方四歲姑亦年老鄧撫子養姑守節十八年

節婦記○正德

郡志

鄭道常妻藍氏

南城人

自笄歸道常甫三載道常客死南海視歸藍氏號泣若

將自殞盡力襄事矢志不更他適

檢封叢素撰墓志

結髮恨無

天其老矢志惟有月同孤

進士杜岸詩俱正德郡志

萬寬妻潘氏 南城人

年二十餘歲而失良人子文勉誕方踰月矢不二語嗚
呱以守閱歷寒暑孝事舅姑以子婦道自盡 陶沂撰 順樓記

正德 郡志

龔節妻章氏 南城人

年十六歸龔執婦道未幾夫以疾卒遺腹子曰餘慶姑
以銀錠十餘實白盤中執以探婦曰而欲他適耶願取
此以終餘年耶姑言未已擲盤於地曰所不與龔恪守
者有如此盤卒踐其言 正德 郡志

建昌府志

卷之二十二

列女

十五

樊節婦鄧氏 南城人

娶居時年纔踰二紀後壽躋七袞慈節堂聯句云飄風

走石直顛喬 蒲石軒 顛頰貞桃冷鳳蕭 魯泉 四越月圓珠吐

蚌 鏡潭 一經星殞棘安鶴 東厓 春冰牢落膏畚秀 水渠 烈火清

温羨王燒 冷泉 令德有光名教勸可憐時宰立中朝 石泉 聯勝

集○正 德郡志

黃球妻羅氏 南城人

球卒時羅年二十四事姑育孤練有禮度循循步趨乍
見之者咸目之爲處子○撫膺無計起良人誓死當年

青峽... 報于今... 處...

足承... 縣志

黃繪妻饒氏 南城人

事繼姑能孝雖粒果必稟姑命年二十七繪喪遺孤年
歲辛苦撫抱尋亦喪富民王氏聞貌且賢以重金誘娶
遂引刀斷髮生復斷至死猶髮禿以誓不二 何屋文
○正德

志

劉文英妻黃氏 南城人

是昌府志 卷之二十二

列女

十六

夫死時年二十矢志守節勤織紉孝舅姑育孤子于立
居婦三十餘年無微玷邑令高齊南奏聞旌表豎坊曰

龍光昭節 南城縣志

李欽三妻徐氏 南城人

年十八婚月餘而欽喪遂植赴水姑覺而救之後歸寧
毋間以他姓之富諷之徐不答悉取費粧衣帛焚于中
堂求自盡眾為憐息會族火徐獨閉門死守須臾火滅

去時以為正氣之屬 正德

李蹈妻黃氏

年十九滔喪無子矢志自守容飾俱廢歸寧母家值設
戲爲樂遂深避別室姨妹強之竟不出滔弟亦喪遺孤
隨母出嫁黃盡力贖歸存其祀縣令鄒堯臣題旌未報
而卒

嘉靖
郡志

生員胡源妻上官氏

南城千
戶所人

官幼孤母以源貧欲改議官不可及歸執婦道姑疾劇
刲膊煎湯以進獲蘇踰年姑卒官盡發所藏送終舅亦
多病官每候其聲容志意而預爲之所無不當意年二
十六而卒郡邑表爲真孝

正德
郡志

建昌府志

卷之二十一

列女

十七

饒璋妻傅氏

南城
人

璋卒傅年二十遺孤半歲多疾姑泣告之曰此未足恃
也毋貽後悔卽齧指滴血與姑盟聞母氏欲爲之謀遂
與母絕辛苦訓孤卒能成立

正德
郡志

生員曾寅妻葉氏

南城
人

年二十六孀居無子撫前室鄒氏之子如已出或諷之
嫁卽刺左目以自誓年八十七而卒

南城
縣志

張梓妻王氏

南城
人

夫死氏年十八遺腹生子誓志靡他有貴公子欲娶之

艱求自盡已而家貧子死堅持不變其媳徐氏感之亦

相從守死范公淡表其闕時同里胡氏聞表節婦之聞感歎志益礪云萬曆郡志

生員范炳妻張氏○生員范柳妻王氏勅建貞節坊俱在郡城南關

生員吳繼宗妻梅氏勅建節孝坊在那城北

謝勝華妻朱氏南豐

勝華早逝朱氏時年二十六子幼家貧躬織紝以養老

姑壬辰兵變歷難危不少變姑沒哀甚遂喪明正統三

年旌表舊志

曾子慶妻唐氏南豐人

建昌府志 卷之二十二

年十九歸慶甫二載夫卒日在號泣摧毀骨立父母哀

其無子早寡且無舅姑欲奪其節唐以死誓惟以蚕績

周其身時人義而哀之舊志青燈夜雨風聲厲耿耿愁懷

哀不寐雙親憐寡欲重婚操刃殘軀死為誓處士吳清詩

傅志華妻譚氏南豐人

年十九適志華閱九月而志華卒顯居孀守節事舅姑

益謹父娶繼母悍戾譖逐諸子顯因歸諫憾之謀奪其

志密聘鄉人戚姓者而顯不覺一日誘之歸寧見戚備

粧具請期意必為已哭謂父曰夫死肉未寒何忍為禽

之行乎事亟遂潛匿樓複壁中水漿不進者累日

謝士元撰本傳

羅以謙妻胡氏 南豐人

以謙之官南充遣人迎胡至野猪崖石隘灘險水激風怒舟弗能支而覆胡抱楫浮沉將及岸舟人欲援以手胡輒引去遂死焉越二旬餘得其屍膚體儼然顏色不變

編脩朱絃撰墓表

丘宏妻儲氏 南豐人

正德間流賊猝至宏方卧病度不免自赴水死妻隨之

建昌府志

卷之二十二

列女

十九

牽裳而溺焉

劉朴妻胡氏 南豐人

年十七于歸時朴病已篤僅侍湯藥一月而喪舅姑亦繼喪家貧獨守一室幾五十年親族一無所依苦節凜

然縣令向編請旌未報卒 正德郡志

吳福受妻傅氏 南豐人

年二十六而夫喪無子伶仃孀苦旦夕代族紡績日啜粥二合且留餘以飼雞雛積三十年置棺一具夜卧其上以待斃親族或有饋遺亦不苟受嘗曰吾偷生未干

足矣敢厚自奉耶正德郡志

譚愈量妻鄧氏南豐人

年十九夫喪誓欲持節毋憐而切說之鄧怒斷一指以見志撫侄為嗣婦德備至宗黨賢之舊志

吳孔禮妻李氏南豐人

年十九生子六月而夫喪家極貧舅姑與子繼喪母哀勸之改適遂斷髮以誓族黨鮮接其言貌者所居不蔽風雨族婦強歸同室謝曰此吾夫疇昔所共去之是去吾夫也聞者謂其知禮正德郡志

建昌府志 卷之二十二 列女

鄒燦妻王氏南豐人

年二十五夫死預砌雙墳以死自誓事繼姑甚謹隣里稱其孝節南豐縣志

朱鎧妻會氏南豐人

初嫁能執婦禮夫卒遺腹三月不出戶庭鄰罕聞其聲縣扁其門曰完節新城縣志

李望妻徐氏南豐人

年二十夫卒遺孤十月事舅姑以敬養遭家顛沛拮据支孀居媼六十年子竟成立南豐縣志

趙從顯妻熊氏

南豐人

顯卒熊年二十四遺男世和甫週斷指自誓杜門紡績孀居六十餘年世和卒妻李氏年二十五遺男令錫二歲姑媳同處一室矢志不二哭至喪明令錫卒妻符氏年二十七遺男子儀二歲孝養重幃三世孀孤共守一

藁

南豐縣志

趙從傳妻李氏

南豐人

年二十夫卒長男三歲幼甫四月母氏懼女之終苦論嫁之遂剪髮跣足撫恤二孤綢繆家計俱獲成立享年

建昌府志

卷之二十二

列女

二十一

九十三而卒

南豐縣志

傅 暄妻劉氏

南豐人

夫病割股求救既死數日不食遺孤甫週多病恐其不育或勸之嫁乃自廢兩目誓無他志苦節六十餘年卒

南豐縣志

元惟太妻丁氏

南豐人

年二十夫卒子半歲產薄姑老矢志不渝年踰七十苦

節而終

南豐縣志

劉相妻上官氏

南豐人

夫死遺孤芳尚幼外氏欲奪之刻志堅守訓子

登歲薦南豐縣志

李顯高妻崔氏南豐人

幼慧通小學夫卒遺孤朝宸紡績鬻釵教育其子舉賢

科南豐縣志

鄧洪妻艾氏南豐人

二十二歲夫卒遺子一歲母欲奪其節艾哭踴幾絕剪

髮誓死縞衣蓬首孝養舅姑年七十而卒南豐縣志

謝泌妻侯氏南豐人

建昌府志 卷之二十二 列女 二十二

年十八家貧事姑孝劫盜起焚里舍殺人遠近逃避姑

疾篤不能去侯氏號泣姑側盜逼之侯曰寧死不從盜

揮刃流血什溝中賊退漸甦見一篋發視皆金珠族婦

以為已物候悉歸之後夫與姑俱下子幼父母欲改之

候曰寧忍貧養子雖饑死亦命也一統志

贈文林郎譚良謨妻符氏南豐人

萬曆甲寅年題請建坊旌表

贈中書舍人鄧廷盛妻氏

天啓六年題請建孟母高風坊

涂文郁妻潘氏

新城人

文郁卒潘氏時年二十九盡夜號泣期於自盡其姑慰解之曰吾婦遺腹有子願節哀以存宗祀無為死傷生也生子甫踰月不育潘每哭成疾一年而始瘥去華飾堅守志節者凡四十年而卒

舊志

涂 欽妻黃氏

新城人

欽登進士任乳源丞覆舟而死黃氏聞計哀毀骨立誓不改節教子順占甲申進士官禮部主事姆儀在人間至今言必及之

舊志

君子以夫人具三從四德而不忝所

建昌府志

卷之二十二

列女

二十三

生承夫之家而大其業貞也事夫之親而不違志教子而世其官孝也婦道之備豈惟睦族宜家而已實有係

於風教顏其堂摺曰貞孝

何軻齋撰貞孝堂記

潘用吉妻黃氏

新城人

用吉死黃氏時年二十三矢志守節終始不渝鄉人賢

之相率狀其事於有司轉聞禮部下覈實未報年六十

八而卒

舊志

孺人曰使吾棄孤而他適於母則非慈於妻

則非貞吾身其辱矣吾孤其危矣既展且危則凶害吾

莫莫道矣吾何忍為哉

何朝舉撰貞節堂記

周廷瑞妻趙氏

新城人

自幼有懿德及長歸廷瑞以疾卒趙氏時年二十五孀

居以禮自律無可指議者凡六十年

舊志

丁壽章妻鄧氏

新城人

歸章五載而寡鄧氏時年一十九父母欲奪更適鄧妻

然泣下日審如是未亡人異日何以見夫君於地下乎

自是足不外履身不飾華孀居以志自勵者凡四十八

年

舊志

江用瀆妻敖氏

新城人

建昌府志

卷之二十二

列女

二十四

用瀆早喪敖氏時年一十九哀毀若將日絕雖以親欲

奪嫁而終不改其志且曰夫死背之不義親老棄之不

孝遂孝養舅姑始終一節鄉人至于今稱之年六十五

卒

黃昇妻許氏

新城人

年二十昇喪無子家貧或逼之嫁以規利許乃悉償其

夫遺田二畝預備凶事以絕衆望衆遂讎之聽其饑寒

初有繼子尋亦背去處之恬然特一婢以其朝夕邑寡

告者爭迎致飲食之

正德郡志

妻楊氏 新城人

年二十三而寡一子尚在襁褓父母憐其年少無所托

楊去鉛飾以死自誓躬紡績以終 新城縣志

李用和妻黃氏 新城人

夫卒黃年二十有六子生二歲家復貧母怜其苦或諷

之誓死不二及子卒撫教孫泉以老孀居五十年貞白

無玷 新城縣志

程 昊妻楊氏 新城人

昊歿一子復天事舅姑妯娌長幼曲盡其道守志三十

建昌府志 卷之二十二 列女 二十四

七年而卒 新城縣志

李孝德妻張氏 新城人

年二十一夫卒一子曰鍾父母憐其少寡欲嫁之即引

刀自斷其指示無他志勤女紅教孤子娶居四十七年

鍾登歲薦 新城縣志

丘壽緣妻包氏 新城人

年二十九喪夫無嗣姑憐之諷以更適乃蓬垢自誓曰

夫既失望奚以生為欲自盡姑每慰解遂忍死事姑以

終身 新城縣志

楊彬二妻孔氏新城人

年二十六夫亡無子遺二女或以輕塵弱草諷之哭曰
吾寧為楊家婦而死操持益勵撫二女閨門嚴肅雖親

屬罕見其面新城縣志

潘達妻朱氏新城人

年二十五夫亡子甫半歲益自勤勵事織紉孝養奉舅

姑縣題其堂曰節孝新城縣志

鄧墳母徐氏妻王氏新城人

年二十三夫亡墳始半歲徐守志不二墳長娶王氏閨

建昌府志

卷之二十二

列女

二十五

賊犯南市掠二婦以去至水尾洲賊欲殺徐以逼王徐

罵賊而王抱姑哭俱死之縣立雙烈祠表之新城縣志

劉喬楠妻陳氏新城人

夫病篤刲股和藥以進既沒哀毀幾絕自是寢舊簣不
釋足不及中庭族婦或邀以佛會竟不往縣表其堂曰

貞節新城縣志

黃琦妻饒氏新城人

夫卒舅姑皆耄竭力奉養自甘淡素撫育三子及長子
次子繼喪父撫教諸孫克有成立新城縣志

夫喪妾李氏有遺腹時喪年二十七李年二十一矢志守節協力持家仲瑛生保顧如一孤燈其績以待其成導以謙慎恪守前業縣表堂曰雙節

新城縣志

舉人何燮妻徐氏

新城人

幼時父病割股和粥及長歸舉人何燮繼姑性嚴善事之年三十四而夫卒遺子三人厘其季也竭力訓課屋

遂舉進士為名賢

正德郡志

李伯誠妻朱氏

新城人

生一子而夫病革語曰親老子幼奈何朱泣謝去粧飾

建昌府志

卷之二十二

列女

二十七

誓不改節家貧益守淡素紡績以養舅姑撫子成立孀

居五十年而終

新城縣志

孔弘乾妻鄭氏

新城人

年十八適乾繼姑性嚴事之曲至乾卒無子誓不改適

為匹壙預勤其名墓石逾十九年叔始生次子聞易鄭

撫以為嗣鞠教婚讀致罄其家無愠色勵子力學以賢

科顯

新城縣志

鄧禎妻江氏

新城人

寡而無子撫二女績紉為活奉姑勤敬立侄應翁為後

宿多子女歲時外賈江勤女紅以給之稱苦節云

陳希溫妻劉氏

廣昌人

夫死時年二十五其貧守志誓不二醮有司奏聞旌表

正德 鄧志

吳世昌妻劉氏

廣昌人

年十九適世昌世昌歿無子劉拔髮納棺中誓不改節
卒如其言景泰年旌表○年纔四十夫痛患與夫誓以
其同死拔髮納棺鐵石心慟哭何常聞朝暮千哭萬哭
夫不歸寒雲野草皆妻其光陰通轉無停機只今殘髮

建昌府志

卷之二十

列女

二十八

成銀絲生順死安其庶幾清風千古敦民彝

何東園詩 正統郡志

何本容妻聶氏

廣昌人 御史聶女

年十六配本容本容病聶割股救活食寢俱忘及容卒
哭聲欲絕聞者咸哀終身無瑕玷景泰三年旌其門

正德

郡志

捐瑣妻黃氏子德妻楊氏

廣昌人

瑣卒黃年二十六家貧績紡以給食子德娶楊氏生一
女德卒楊年二十三姑媳孀居三十餘年貞潔無玷知

蘇廷昂為立雙節坊

正德 郡志

生員李 鐸妻黃氏 廣昌人

適鐸期年而鐸卒年十七家無擔石矢志自守環堵一室不蔽風雨育雞豚績麻苧以給朝夕歷四十年如一

日 正德 郡志

何 銅妻黃氏 廣昌人

夫卒時年二十二無子而貧紡績為活歷艱四十年初

志益堅 正德 郡志

生員魏雲程妻曾氏 廣昌人

程卒氏年十九哀撫二子素食衰衣終身不出庭戶值

建昌府志 卷之二十二 列女 三十

歲歉績麻易粟以養老姑而自甘抱餒人咸推為節孝

正德 郡志

黃 寵妻賴氏 廣昌人

夫卒賴年十六事姑如母一日採蔬山圃虎蹲踞微爪其膝而去姑見血流拜天祝曰脫有不幸願以身代賴

日苟得終事姑即更克虎腹奚憾焉賴果獲安踰月而

姑卒人以爲慈孝格于猛虎 正德 郡志

生員聶時秀妻何氏 廣昌人 何喬壽女

秀卒何哀毀誓志奉老姑愉愉敬順訓諸子卓有立成

廣昌縣志

李子玉妻姜氏

廣昌人

玉世單傳及卒于昇輩俱幼姜慟哭誓不葷酒門戶艱苦歲以身任課昇舉業比貢而官姜猶及見之年九十餘而終

廣昌縣志

葉伯願妻揭氏

廣昌人

適願八載而願沒揭哭于墓淚常流血竟以貞一而終

廣昌縣志

劉敏妻揭氏

廣昌人

建昌府志

卷之二十二

列女

三十一

年十六歸敏七月而敏卒哀毀滅性既葬夫之姊夫黃姓者利其產計逼改嫁貞操益固孀居六十年而卒

廣昌

縣志

王彥哲妻何氏

廣昌人

嫁十月而哲死哭之凝血遺腹女生誓不二志守節六十年木榻不徙番絕之在天星晴燦忽烈風雨震屋而過人咸以為正氣之歸云

廣昌縣志

何廣仁妻傅氏子弘道妻高氏孫松壽妻幸氏

俱廣昌人

傅嬾於何年二十五而嬾一卒遺腹生弘道娶高氏

年方姪而弘道卒高年二十三亦遺腹生松壽姑媳同窶處育遺孤松壽娶幸氏生子節節二歲松壽亦卒幸養

祖姑及姑盡全節而沒 廣昌縣志

揭文浩妻李氏 廣昌人

浩染疾不起謂季曰我死無兒汝何以自處李泣對曰自處義無二不敢為君辱浩卒績蔴以自給惟恐墜夫

家之產澤侄為嗣歷年七十八而冰蘖之行無瑕 廣昌縣志

吳光翰妻何氏 廣昌人何喬壽女

婉順事姑夫病即剪左臂以和藥既卒哀痛屢絕姑諭

建昌府志 卷之二十二 列女 三十二

之曰汝有遺腹而不虞如宗祧何乃勉自寬生子瑀勵

搯紡績以撫遺孤竟底成立享年七十有五 廣昌縣志

生員李昌祐妻饒氏 廣昌人

祐卒觸棺求殉姑諭之曰三子尚在遂感悟矢志撫孤

初祐以書苦遘疾遺命曰我後其無效我饒曰吾從治

命耳擇師友勤課督後其子春芳春融春和俱大有成

立衆共賢之婦之育孤者每以育之為難遂未免恩勝

而過慈多敗往往而有饒獨從治命克承遺志慈而能

訓其有得于孟母之遺意云 正德郡志

高一元妻易氏 廣昌人有坊 奉旨旌表

年十九適元元卒易剪髮納棺矢志教子嘗曰吾恐不翁從者為若也子任領鄉薦陳情隆慶六年禮部陸具題奉旨旌表

劉承恩妻賴氏 廣昌人累封贈太淑人勅建坊旌表

夫承恩歿賴年二十九矢操不二養庶姑撫前子曲盡其道課所生三子位伸化俱顯名勅賜建貞節坊享年八十三

吳履貞妻何氏 廣昌人舉人何沅女建坊旌表

建昌府志

卷之二十二

列女

三十一

歸六載夫歿守節以婦道兼子職以母儀兼師資于康侯由歲貢特賜進士第一授禮部主事陳情建坊旌表

羅萬鍾妻黃氏女羅氏 廣昌人有坊 奏請旌表

黃必登女年十七歸羅踰五年羅天慳一女立嗣持其家事翁訓嗣克守先業巡方奏請建坊旌表女愛壽十五

歸劉君顯劉所誦尚書悉其手錄舉一女而夫天夫天之年與父同羅哀痛迫切誓以身殉亦與母同也

始為作雙節傳曰予交黃大次父子知其能文家往相師法茲復知有黃氏母女雙節其母女亦相耶易節兌下坎上艮皆半之慈母女皆節也

孫 瑞妻李氏 瀘溪人

夫卒李年十七子甫襁褓家貧苦節每授大義自守後子應縣役于道獲私鹽數觔問所從來以實對呵其不義傾之溝中其教子類若此凡居孀六十有二年 瀘溪縣志

傳 銓妻蕭氏 瀘溪人

年二十夫喪遺二孤矢志不二踰年一孤塲家益貧守益勵日勤紡績以資衣食其次復歿止遺一孫濡沫課讀致其樹立立艱辛五十餘年縣扁其門曰節慈 瀘溪縣志

生員傅 灤妻趙氏 瀘溪人

建昌府志 卷之二十二 列女 三十四

夫病淋疾日夕扶持衣不解帶及喪號哭踰度父母強其歸寧富商劉欽賂媒求娶乃閉室自縊救免遂歸夫氏姑性嚴毅趙愈憤勵自持 南城縣志

孫灤七妻張氏 瀘溪人

年十八灤死家人欲奪其志即不食誓無二心既數年疫大作姑舅伯叔相繼喪張罄家治具靡不如禮時家無子遺而張以一人克延孫後享年七十有六 瀘溪縣志

生員孫 鏗妻李氏 瀘溪人勅建貞節坊在郡城南

